



2^{da} SESSIONE STRASURDINARIA DI U 2025
22 È 23 DI MAGHJU DI U 2025

2^{ÈME} SESSION EXTRAORDINAIRE DE 2025
22 ET 23 MAI 2025

N° 2025/E2/030

**Question orale déposée par Mme Marie-Claude BRANCA
au nom du groupe « Core in Fronte »**

OBJET : PAR U DRITTU DI TRAVADDÀ ANNANT'À A NOSCIA TARRA.

Sgiò Pridenti di u Cunsigliu esecutivu di Corsica,

Pochi ghjorni fà, hè statu palisatu u casu di una ghjovana corsa titulari di u CAPLP (pà insignà à u liceu profissionali). St'insignanti chi t'ha l'abilitazioni di Corsu hè stata mutata in Francia in un sittori diffiuli è da tandu hè vittima di violenza murali è fisichi.

L'esempiu di sta ghjuvanetta ùn hè disgraziamenti micca u solu. Da anni è anni, numarosi so l'insignanti corsi titulari di u CAPES o di u CAPLP chi so mutati in Francia ancu s'iddi ci so i posti libari in Corsica.

Stu novu asempiu moscia bè , una volta di più a vulintà di u Statu Francesu di cuntinuà a scursizazioni di l'impiega pà biutà u nosciu paesu di i so forzi paisani è di marghjinalizzà a noscia lingua è a noscia cultura.

Ramintemu chi da anni è anni so stati numarosi l'azioni di tarrenu è l'azioni stituziunali incù u votu di parehji muzioni.

In l'ultima muzioni vutata di sittembri di u 2024, a noscia assemblea mittia in rilievu certi punta impurtanti

- U votu In u 1988 da l'Assemblea di Corsica di u principiu di a nuzioni di populu corsu comu « cumunità storica e culturali viva, raggruppendu corsi d'urighjini e corsi d'aduzzioni ». Par no stu votu duvaria avè, dop'à tanti anni di « lascia corra » una traduzioni cuncreta in materia d'impiegu più particularmenti in a funzioni publica.

- A nicissità di crià criterii in rilazioni incù u Centru di l'Intaressi Matiriali è Murali pà a Corsica chi assistini in altri isuli

Vi dumandemu dunqua :

Chi cunteti di fà in urgenza par parmetta à sta ghjovana corsa di pudè vultà annant' à a so tarra pà pudé travaddà senza priculu ?

Vi seti ghjà missu in rapportu incù u ritturatu è i ministeri cuncirnati , comu vi n'avemu datu u puteri in à muzioni citata supra, pà crià i criterii chi pirmsittariani à tutti l'insignanti mutati in Francia di vultà à travaddà è à campà annant' à a so tarra.

Vi ringraziu.